

文忠集

卷之四

文忠集卷十四

唐顏真卿撰

記

宋州官吏八關齋會報德記

敘石幢事附

夫德之所感滄骨髓而非深誠之所至去神明而何遠
有唐大歷壬子歲宋州八關齋會者此都人士眾文武
將吏朝散大夫使持節宋州諸軍事行宋州刺史兼侍
御史本州團練守捉使賜紫金魚袋徐向等奉為河南
節度觀察使開府儀同三司太子太師左右僕射知省

事兼御史大夫汴州刺史上柱國信都郡王田公頃疾
良已之所建也公名神功冀州南宮人稟元和之粹靈
膺期運以傑出含弘厚下正直率先起孝而德感生人
竭忠而精貫白日和衆必資于寬簡安人務在于撫柔
況乎武藝絕倫英謀沈祕所向而前無強敵日新而學
有緝熙故能殿天子之邦鬱蒼生之望有日矣賊構逆
公以平盧節將佐今右僕射李公忠臣收滄德攻相州
拒杏園守陳留許叔冀降而陷焉思明懼忠臣圖己令
公佐南德信隨劉從諫收江淮至宋州欲襲李銑公斬

德信走從諫遂并其衆而報焉肅宗大悅拜公鴻臚卿
再襲敬釭于鄆州加中丞討劉展于潤州斬平之遷徐
州刺史明年拜淄青節度使屬侯希逸自平盧至公以
州讓之時宋州刺史李岑爲賊所圍副元帥李光弼請
公討平之拜御史大夫加開府充兗鄆節度破法子營
又討敬釭釭歸順焉史朝義聞之奔下博投范陽自縊
死廣德元年授戶部尙書封信都郡王上幸陝公首末
扈從都知六年兵馬每食宿公皆躬自省視上感焉方
委以政事公涕泣固辭而止二年拜汴宋節度遷兵部

大歷二年加右僕射封母清州張氏爲趙國夫人妻信
安郡王禕女爲涼國夫人太夫人慈和勤儉睦于親黨
公性純孝居常不離左右閱讀書史或時疾病公輒累
月不茹葷家中禮懺不絕仍造崇夏弘聖二寺以祈福
祐五年兼判左僕射知省事加太子太師公德厚量深
勞謙重慎功旣高而心益下位彌大而體益恭故遠無
不懷邇無不肅今夏四月忽嬰熱疾沈頓累旬積善降
祥勿藥遄喜鷹犬之翫悉皆棄捨羣帥感焉無復弋獵
四履之內咸懷歡欣睢陽之人踴躍尤甚乃咨于州將

曰昔我公之陷賊也至敝邑而首誅德信李岑之見圍
也破其黨而克保城池是卽我公再有大造于敝邑矣
微我公之救恤則皆死于鋒鏑入于煎熬矣尙何保
完家室嬉戲鄉井者乎不資齋明何以報德徐公悅而
從之來五月八日首以俸錢三十萬設八關大會飯千
僧于開元伽藍將佐爭承惟恐居後已而州縣官吏長
史苗藏實等設一千五百人爲一會鎮遏團練官健副
使孫琳等設五百人爲一會耆壽百姓馬烈等設五千
人爲一會法筵等供仄塞于郊坰贊唄香花喧填于晝

夜其餘鄉村聚落來往舟車聞風而靡督自勤聳惠而沐先胥懋者又不可勝數矣非夫美政淳深德風汪濊則何以感人若此其至者乎某叨接好仁飽承餘烈觀茲盛美益覩求蒙若不乖諸將來則記事者奚述

敘石幢事

宋州刺史崔倬

會昌中有詔大除佛寺凡鎔塑繪刻堂閣殿宇闕于佛祠者焚滅銷破一無遺餘遣御史覆視之州縣震畏至于碑幢銘鏤贊之類亦皆毀拆瘞藏之此州開元寺先有太師魯郡顏公以郡守僚吏州人等爲

蓮帥田氏八關齋會鐫記大幢立石袤丈而圍再幾尋程材巨異八觚如砥偉詞逸翰龍躍鸞翔時刺史邑宰以其大不可拆遂鑿鑿缺敗以仆之蓋三面僅存委埋于土俾大中己巳歲守郡明年嘗暇日訪求前賢事蹟郡從事涂君因言有魯公石幢索而得之壇壤之下癡瘼壞失文義乖絕尋繹研究不可復知意其邑居之中必有藏錄其文者果于前刺史唐氏之家得其模石本末完備炳然輝耀溢目俾自幼學慕習魯公書法纔不能窺涉其門宇然惜其高蹤堙

沒遂命攻治其傷殘補續其次雖真贗懸越貂狗相
屬且復瞻仰魯公遺文昭示于後矣大中五年正月
一日敘

通議大夫守太子賓客東都副留守雲騎尉贈尚
書左僕射博陵崔孝公宅陋室銘記

公諱沔字若冲博陵安平人其先出于齊太公之後自
亭伯三世文宗祕書監六原本派別叔軌季則俱死
王事神謙神通並高循續子彭弘度以武幹稱景雋巨
倫以文行著繼方面者累代列史傳者十人奕葉相仍

恒為鼎族曾祖弘峻隋銀青光祿大夫趙王長史祖儼
皇朝益州維縣令父瞻年未四十為庫部員外郎因擇
能吏為壽安令又充江西道廉察使徙醴泉遂歷四邑
盤桓不進以剛正也累至朝散大夫汝州長史封安平
縣男贈衛尉少卿公即安平之次子也全德天至成人
于立蓋聖代之寶臣華宗之孝子文章之哲匠禮樂之
祖師既不可以一名又何能以悉數年二十四舉鄉貢
進士攷功郎李迥秀器異之曰王佐才也遂擢高第其
年舉賢良方正對策萬數公獨居第一而兄渾亦在甲

科典試官梁載言陳子昂歎曰雖公孫鼂却不及也召見前殿拜麟臺秘書郎繇是名蓋天下御史張思敬以德行薦久之以資授陸渾主簿平陽王敬暉弘度外之交略上官之禮丁府君憂服除太夫人勉起之以所試超邁擢拜左補闕遷殿中侍御史奉敕按竊金者公得其情許之不死竟得減論諸王或恃貴不遵法度舉而按之其不吐茹也如此尋遷起居舍人當扈從以親老抗疏乞退薦琅琊王丘太原郭潏渤海封希顏等自代睿宗嘉之特許留司以遂其孝養遷刑部員外郎侍僧

有請度人者公拒不奉詔遷給事中大理卿韓煦復用法小差權臣致劾公特寬之遷中書省舍人改紫微其官仍舊又固辭以親老除虞部郎中開元初攝御史中丞或訟吏曹之不平公與崔泰之銜命詳理多所收拔俄而卽真兼都畿按察使歲或不稔公請發粟賑貸之賴全活者以萬數內謁者霍立忠有罪公執之以聞立宗使以璽書勞之公之澄清中外也以畿縣令長陸景融劉體微盧暉有異政丞尉宋遙皇甫翼陳希烈宋鼎蕭隱之范冬芬楊慎餘劉日正高昌寓州掾李瑱裴曠

等並以清白吏疏而薦之二十二年置十道採訪使公
所舉六人在焉執事子有不法者公舉之不回移著作
郎尋遷祕書少監修圖書使尋判大理卿禮部侍郎公
既職司典禮乃刪寫疏論數百卷以備闕遺特加朝散
大夫遷左庶子丁太夫人憂徵拜中書侍郎出爲魏州
刺史乃肇移元城徙置新市吏人便之乙丑歲玄宗東
封知頓奏課第一賜絹二百疋嶽下觀禮獻慶雲頌又
賜絹一百疋明年入朝分掌十銓公與王丘爲選人所
歌曰沔人澄明滌底清丘山介直連天峻時人避之還

吳奇惟校

州以理有異績御史大夫崔隱甫中丞宇文融朝服表
薦璽書寵慰無何徵拜左散騎常侍上以六宮親蠶絲
賜近臣公獻御絲賦又侍讌別殿賦端午詩屢蒙錫以
縑帛綵羅兼判國子祭酒俄充東都副留守十七年有
事陵廟追贈安平公及太君日安案原本缺四字駕還罷留守
二十年奉敕撰龍門公宴詩序賜絹百疋延入集賢院
修老子道德經疏行于天下二十一年遷祕書監修撰
如故屬耕籍田爲居守賜絹百疋遷太子賓客出兼懷
州刺史二十四年罷州又以本官充東都副留守累加

文忠集 卷五 七

通議大夫二十七年冬十一月十有七日寢疾薨于位
春秋六十有七立宗震悼贈禮部尚書葬日量借手力
幔幙故吏前監察御史博陵崔頌爲公行狀云公德充
符契精貫人極孝愛聞于天下制作垂于無窮辨大夫
人之喪徒跣吐血以身爲糞土況乎含弘內恕夷坦外
名德至矣乎今之達者若以富貴崇德行藏養高則老
萊闕于榮親黔婁褊于謀道又加于古人矣故養則致
其樂喪則過乎哀以兄姊之感亞其親甥姪之慈甚其
子至于藥砭備物溫清異宜手舐杵臼之間身辱澣濯

之伍汲汲然矣每至宗廟心齋嚴恭祀事明發不寐翌
日餘悲故聲氣感人者深儀形化人者遠躬踐五德退
讓于恭儉溫良行張四維加信于仁義禮智而老驥伏
櫪以鮑駟不忘曰鳩巢檐以家瑞終黔則非殊倫絕輩
擬議乎萬一矣太常博士裴惣議曰公醇一誕靈文明
含粹蹈元和以爲天性藉間氣以爲人師前後歷官或
拜而不至或至而不留瘠形瞽目誓遵孝養可不謂孝
乎遂謚曰孝公凡所著文集二十九卷并嗣子祐甫論
次先志一卷爲三十卷吏部員外郎趙郡李華爲集序

云公之侍親也孝達乎神祇居憂也哀貫乎天地喪期有數而茹荼終身親交鄰里飢者待公而炊寒者待公而裘烝嘗之奠待公而具故祿廩雖厚而未嘗足也傳祖禰之美合于禮經見公文章知公行事則人倫之序理亂之源備矣祐甫純行而文直清而和希公門者謂公存焉亡賢數載如此初太夫人患目公傾家求醫或曰療之必愈恐壽不得延太夫人及公悲恨而罷自是端力奉養不脫冠帶者僅三十年每至良辰美景勝引佳遊必扶持左右笑言陳說親朋往來莫知太夫人之

有苦也公年官雖高至于食果蔬菜與子姪躬自植藝澆灌以申馨潔泉終喪雖見孩稚者必設位束帶盡哀以禮之公與江夏李邕友善爲校書郎時引邕館于祕閣之下讀書者累年邕由是才名益盛邕與尚書席建侯嘗過公怪乘馬羸羸曰何不于廳前自觀餼飼忽然致殞何以更之公唯而不易他日二公又以爲言公良久則曰每欲發言恐涉有碍于廝養者所以沈吟自媿二公退而謂人曰每想崔公此言使人慙慙如醉延和太極之間公旣留司東都遂醫所乘馬就故人監察御

史張汝子深河南府崇政坊買宅以製居建宗廟于西南惟先太夫人安平郡夫人堂在宅之中儉而不陋淨而不華六十餘年榱棟如故堂東嫂盧夫人所居堂之東北鄭氏李氏姊歸寧所居堂之北五步之外建瓦堂三間以居之雜用舊椽不崇壇無赭堊累歷清要所得祿秩但奉烝嘗資嫂妹給孤幼營甥姪婚姻而已朝衣服馬一皆取其下者惟祭器祭服稱禮焉其室竟不修泉夫人太原郡太夫人王氏捐牀帳之後公徙居他室或在賓館而無常所爲常侍時著陋室銘以自廣天寶

末子孫灑掃貯書籍劍履而已逆賊再陷洛陽屋遂崩圯惟簷下廢井存焉長子成市倜儻有才名進士校書郎早卒祐甫能荷先業以進士高第累登臺省至吏部郎中充永平軍節度使尙書李公勉行軍司馬兼侍御史中丞永懷先德明發不寐恐茂烈湮淪罔垂後裔乃刻陋室銘于井北遺址之前以抒所志某夙仰名教實欽孝公之盛德晚聯臺閣竊慕中丞之象賢又能好我不遺見託論譏採風猷而莫窮萬一涉泉海而豈究津涯操筆強名退增戰慄時卽大歷十一年青龍景辰孟

夏之月也

撫州寶應寺翻經臺記

撫州城東南四里有翻經臺宋康樂侯謝公元嘉初年于此翻譯涅槃經因以爲號公諱靈運陳郡陽夏人也祖玄晉車騎將軍父瑒祕書郎公幼穎悟好學博覽羣書文章之美江左莫逮以襲祖爵世人宗之盛稱謝康樂初爲劉毅衛軍從事中郎太子左率出爲永嘉太守郡有各山水公素愛好肆意遨遊稱疾去職于始寧縣修營故墅傍山帶江盡幽居之美因著山居賦并自註

之與隱士王弘之等遊放爲娛有終焉之志每一詩至都邑莫不競寫宿昔之間士庶皆遍徵爲祕書監屢不赴太祖使范泰與書敦獎之乃出就職尋遷侍中日夕引見賞遇甚厚多疾不朝賜假東歸免官與從弟惠連東海何長瑜潁川荀雍泰山羊璿之以文章賞會時人謂之四友尋山登賞常著木屐上則去其前齒下則去其後齒會稽太守孟顓事佛精懇公謂之曰得道應須慧業文人生天應在靈運前成佛必在靈運後顓深恨此言後遂表公有異志公馳出自陳太祖知見誣除臨

川內史公以曇無讖所翻大涅槃經語小小樸質不甚
流靡品數疎簡初學者難以措懷乃與沙門范惠嚴崔
慧觀任舊洹經共爲潤色勒成三十六卷義理昭暢
質文相宣歷代寶之盛行于天下其餘感神徵應具如
高僧傳所說邈乎階局不改棟宇具無真卿叨刺是邦
茲用愾息有高行頭陀僧智清緒發洪誓精心住持請
以佛跡寺僧什喻仙臺觀道士譚仙巖同力增修指期
恢復自是法堂之遺構克崇先達之高蹤百里而遙四
山不逼三休而上十地方超經行之業既崇斗數之功

斯林大歷己酉歲四月丙午都人士庶相與大會設嚴
供而落焉以真卿業于斯文見咨紀述後之君子其忘
增修乎銘曰

摩訶般若解脫法身是則涅槃衆經中尊曇無肇允嚴
觀是因實賴同德弘茲法輪謝公發揮精義入神理絕
史野文兼都彬一垂刊削百代咸遵遺跡忽睹高臺嶙
峴載悲徂謝曷踐音塵真卿愀然憫故孰新檀那衣鉢
悉力經綸不日復之周邦仰仁緬懷孰慕予亦何人徒
願神交愧非德鄰刻銘金石永永不泯

張長史十二意筆法記

予罷秩醴泉特詣京洛訪金吾長史張公請師筆法長史于時在裴儼宅憩止有羣衆師張公求筆法或有得者皆曰神妙僕頃在長安二年師事張公皆大笑而對之時即便草書或三紙五紙皆乘興而散不復有得其言者僕自再于洛下相見眷然不替僕因問裴儼足下師張長史有何所得曰但書得絹屏素數十軸亦嘗論諸筆法惟言倍加功學臨寫書法當自悟耳僕自停裴家月餘日因與裴儼從長史言語散卻迴京師前語曰

既承九丈獎諭日月滋深夙夜工勤溺于翰墨儻得聞筆法要訣終爲師學以冀至于能妙豈任感戴之誠也長史良久不言乃左右眴視拂然而起僕乃從行歸東竹林院小堂張公乃當堂踞牀而坐命僕居于小榻而曰筆法玄微難妄傳授非志士高人詎可與言要妙也書之求能且攻真草今以授之可須思妙乃曰天平謂橫子知之乎僕思以對之曰常聞長史示令每爲一平畫皆須令縱橫有象此豈非其謂乎長史乃笑曰然而又問曰直謂縱子知之乎曰豈不謂直者從不令邪曲

之謂乎曰均謂間子知之乎曰嘗蒙示以間不容光之
謂乎曰密謂際子知之乎曰豈不爲築鋒下筆皆令宛
成不令其疎之謂乎曰鋒爲末子知之乎豈不謂以末
成畫使其鋒健之謂乎曰力謂骨體子知之乎曰豈不
謂趨筆則點畫皆有筋骨字體自然雄媚之謂乎曰轉
輕謂屈折子知之乎曰豈不謂鈎筆轉角折鋒輕過亦
謂轉角爲闌闊過之謂乎曰決謂索製子知之乎曰豈
不謂爲牽爲製決意挫鋒使不怯滯令險峻而成謂之
決乎曰補謂之不足子知之乎曰豈不謂結點畫或有

失趣者則以別點畫旁救之謂乎曰損謂有餘子知之
乎曰豈不謂趣長筆短常使意勢有餘點畫若不足之
謂乎曰巧謂布置子知之乎曰豈不謂欲書先預想字
形布置令其平穩或意外字體令有異勢是謂之巧乎
曰稱謂大小子知之乎曰豈不謂大字蹙之令小小字
展之爲大兼令茂密所以爲稱乎長史曰子言頗皆近
之矣夫書道之妙煥乎其有旨焉字外之奇言所不能
盡世之書者宗二王元常逸跡曾不睥睨筆法之妙遂
爾雷同獻之謂之古肥旭謂之今瘦古今既殊肥瘦頗

反如自省竟有異衆說之鍾巧趣精細殆同始自機神肥瘦古今豈易致意真跡雖少可得而推演少至于學鍾勢巧形容及其獨運意疎字緩譬猶楚音習夏不能無楚過言不悞未爲篤論又子敬之不逮逸少猶逸少之不逮元常學子敬者畫虎也學元常者畫龍也余雖不習久得其道不問之言必慕之歎儻有巧思思盈半矣子其勉之工精勤悉自嘗妙矣真卿前請曰幸蒙長史傳授筆法敢問工書之妙如何得齊于古人張公曰妙在執筆令其圓轉勿使拘攣其次諸法須口傳手授

之訣勿使無度所謂筆法也其次在于布置不慢不越巧使合宜其次紙筆精佳其次諸變適懷縱捨規矩五者備矣然後齊于古人矣敢問執筆之理頗得長史曰予傳授筆法之老舅彥遠曰吾聞昔日說書若學有工而跡不至後聞于褚河南曰用筆當須如印泥畫沙思所以不悟後于江島遇見沙平地淨令人意悅欲書乃偶以利鋒畫其勁險之狀明利媚好乃悟用筆如錐畫沙使其藏鋒畫乃沈著當其用鋒常欲使其透過紙背此功成之極矣真草用筆悉如畫沙則其道至矣是乃

其迹可久自然齊古人矣但思此理以專想工用故其
點畫不得妄動子其書紳余遂銘謝再拜遂巡而退自
此得攻書之術于茲五年真草自知可成矣

平直均密
鋒力轉決

補真巧稱
為十二意

文忠集卷十四

文忠集卷十五

唐 顏 真 卿 撰

詩

題杼山三癸亭

亭在鴻漸所
創得暮字

杼山多幽絕勝事盈跬步前者雖登攀淹留恨晨暮及
茲紆勝引曾是美無度歛構三癸亭寔惟陸生故高賢
能利物疏鑿皆有趣不越方丈間居然雲霄遇巍峩倚
脩岫曠望臨古渡左右苔石攢低昂桂枝蠹山僧狎猿
狖巢鳥來枳棋俯視何楷臺傍瞻戴顓路遲迴未能下

夕照明村樹

謝陸處士杼山折青桂花見寄之什

羣子遊杼山山塞桂花白綠萸含素萼採折自逋客忽
枉岩中詩芳香潤金石全高南越蠹豈謝東堂策會愜
名山期從君恣幽覲

登平望橋下作

登橋試長望望極與天平際海兼葭色終朝鳧鴈聲近

山猶一作全髮髯遠水忽微明更覽諸公作知高題杜名

登峴山觀李左相石樽聯句

李公登飲處因石為窪樽真人事歲年改峴山今古存

劉全蔡蕪掩前跡苔蘚餘舊痕裴叔子尚遺德山公此

迴軒張惟舟陪高興感昔情彌敦道士藹藹賢哲事依

依離別言強峴嶽橫道周迢遞連山根范餘烈暖林野

衆芳揖蘭蓀王德暉映岩足勝賞延高原魏遠水明匹

練因晴見吳門王修陪遊追盛美揆德欣討論峴器有

成形用功資造化元左輔流霞方泔淡別鶴遽翩翩劉

舊規傾逸賞新興麗初暎顏醉後接羅倒歸時騶騎喧

楊德遲迴向遺迹離別益傷魂韋覽事古興屬送人歸

思繁然懷賢久徂謝贈遠空攀援崔八座欽懿獨高名

播乾坤史仲松深引閒步葛弱供險捫陸花氣酒中馥

雲華衣上屯權器森沈列胡樹牢落望郊園陸士白日半

巖岫清風滿丘樊裴幼旌麾間翠幄簫鼓來朱輻柳淡閒

路躡雲影清心澄水源釋塵萍連浦中嶼竹遶山下村顏

景落全溪暗烟凝半嶺昏顏去日往如復換年涼代温

顏登臨繼風騷義激舊府恩李

水堂送諸文士戲贈潘丞聯句

居人未可散上客須留著莫唱阿鞞回應有夜半樂其

奉潘詩教刻燭賦酒任連盤酌從他白眼看終戀青山

郭述奉林栖非姓許寺住那名約會異永和年才同建

安作羽呈權何煩問更漏但遣催絃索共說長句能皆

言早歸惡器別那知殊出處還得同笑謔雅韻雖整懽

禪心肯拋卻皎然上一宿同高會幾人歸下若簾開北

陸風燭焯南枝鵲嘒奉潘文場苦以竊釣渚甘漂泊弱

質幸見容菲才誠重諾此下

送耿湓拾遺聯句

堯舜逢明主嚴徐得侍臣分行接三事高興柏梁新其

楚國千山道秦城萬里人鏡中看齒髮河上有煙塵漳

望闕飛青翰朝天憶紫宸喜來歡宴洽愁去詠歌頌真卿

顧盼情非一睽攜處亦頻吳興賢太守臨水最殷勤漳

三言擬五雜組

五雜組繡與錦往復還興又寢不得已病伏枕

重擬五雜組

五雜組甘鹹醋往復還烏與兔不得已韶光度

月夜啜茶聯句

泛花邀坐客代飲引情言陸士修醒酒宜華席留僧想獨

園張薦不須攀月桂何假樹庭萱李曙御史秋風勁尚書北

斗尊崔萬流華淨肌骨疏瀹滌心原真卿不似春醪醉何辭

綠菽繁晝素瓷傳靜夜芳氣滿閑軒士修

夜宴詠燈聯句

桂酒牽詩興蘭缸照客情上修詎慙珠乘朗不讓月輪明

薦破暗光初白浮雲色轉青真卿帶花疑在樹比燎欲分

庭晝顧已慙微照開簾識近汀卿

三言喜皇甫曾侍御見過南樓翫月聯句

喜嘉客闕前軒天月淨水雲昏真卿鴈聲苦蟾影寒聞裊

浥滴檀欒

陸羽

歡晏處江湖間

皇甫會

卷翠幕吟嘉句恨清

光留不住

李

高駕動清角催惜歸華重徘徊

晝

露欲晞

客將醉猶宛轉照深意

陸士修

重聯句

頃持憲節推高步獨占詩流橫素波不是中情深惠好

誰能千里遠經過

真卿

詩書宛似陪康樂少長還同宴永

和夜酌此時看碾玉晨趨幾日重鳴珂

會

萬井更深空

寂寞千方霧起隱嵯峨熒熒遠火分漁浦歷歷寒枝露

鳥窠

嶠

漢朝舊學君公隱魯國今從弟子科只自傾心

慙响嚅何曾將口恨蹉跎

羽

獨賞謝吟山照曜其知殷

歎樹婆娑華轂空嫌雲路隔網衣長向雪峰何

晝 此詩原本

缺下半十二句今從村山集增入

送李侍御聯句

吾友駐行輪遲遲惜上春

真卿

東西出餞路惆悵獨歸人

晝

歡會期他日驅馳恨此身

薦

須知貢公望從此願相

因

詠初月重送聯句

春溪與岸平初月出溪明

薦上 二丈

璧彩寒仍潔金波夜



原件短缺

吳舒帷校

轉清孤光遠近滿練色往來輕真卿望望隨蘭棹依依出柳城書

重送橫飛聯句

春田草未齊春水滿長溪書上十出餞風初暖攀光日

漸西真卿歸期江上遠別思月中迷書

大言聯句

高歌闖風步瀛洲書燂鵬滄鯤餐未休真卿四方上下無

外頭書一噉頓涸滄溟流薦

小言聯句

子多藏日秦皇厭聖辰劔池穿萬仞盤石坐千八金氣

騰爲虎琴臺化若神登壇仰生一捨宅歎珣珉中嶺分

雙樹迴巒絕四鄰窺臨江海接崇飾四時新客有神仙

者于茲雅麗陳名高清遠峽文聚斗牛津跡異心寧間

聲同質豈均悠然千載後知我揖光塵

清遠道士同沈恭子遊虎丘寺有作附

我本長殷周遭罹歷秦漢四瀆與五嶽名山盡幽竄

及此寰區中始有近峯翫近峯何鬱鬱平湖渺瀾漫

吟挽川之陰步上山之岸山川共澄澈光彩交凌亂

白雲翦欲歸青松忽消半客去川鳥靜人來山鳥散

谷深中見日崖幽曉非旦聞子盛遊遨風流足詞翰

嘉茲好松石一言常累嘆勿謂余鬼神忻君共幽贊

使過瑤臺寺有懷圓寂上人

并序

真卿昔以天寶元年尉醴泉亟過瑤臺寺圓寂

上人院秋滿遷監察御史巡覆諸陵而上人已

離此寺大歷十三年春二月以刑部尚書謁拜

昭陵慨然有懷其詞曰

上人居此寺不出三十年靈法盡無染

舊集作萬法沅無著

一心

惟趣禪忽紆塵外軫遠訪世間緣

舊本作區中緣

及爾不復見

支提猶岌然

舊本作巖以真蹟校

贈僧皎然詩

秋意西山多別岑縈左次繕亭歷三癸趾趾鄰什寺元

化隱靈蹤始君啓高致誅榛養翹楚鞭草理方穗俯砌

披水容逼天掃峰翠境新耳目換物遠風塵異倚石忘

世情援雲得真意嘉林幸勿翦禪侶欣可庇衛法大臣

過佐游羣英萃龍池護清激虎節到深邃徒想嵒頂期

于今沒遺記

文忠集卷十五

文忠集卷十六

補遺

唐故通議大夫行薛王友柱國贈祕書少監國子祭酒太子少保顏君廟碑銘

唐顏真卿撰

昔孔悝有彝鼎之銘陸機有祠堂之頌皆所以發揮祖德敷演家聲故君子之觀其銘也既美其所稱又美其所為無而稱之是誣也有而不述其仁乎論而撰之敢不祇懼君諱惟貞字叔堅其先出于顓頊之孫祝融祝

融孫安爲曹姓其裔封邾武公名夷甫字顏子友別封
邾爲小邾子遂以顏爲氏多仕魯爲卿大夫孔門達者
七十二人顏氏有八戰國有率躅秦有芝貞漢有異肆
安樂其後喪亂譜牒淪亡魏有裴盛盛字叔喜青徐二
州刺史關內侯滎白曾居于琅琊臨沂孝悌里生廣陵
太守給事中葛繹貞子諱欽字公若精韓詩禮易尚書
學者宗之生汝陰太守護軍襲葛繹子諱默字靜伯生
晉侍中右光祿大夫西平靖侯諱含字弘都隨元帝過
江已下七葉葬在上元幕府山西生侍中光祿勳西平

定侯諱髦字君道事具孝行傳生州西曹騎都尉西平
侯諱緄字文和生宣城太守御史中丞諱靖之字茂宗
生巴陵太守度支校尉諱騰之字弘道善草隸書有風
格梁武帝草書評云顏騰之賀道力並便尺牘少行于
代生輔國江夏王參軍諱炳之字叔豹以能書稱生齊
侍書御史兼中丞諱見遠字見遠和帝被弑一慟而絕
梁武深恨之事見梁周北齊書生梁鎮西記室參軍諱
協字子和感家門事義不求聞達元帝著懷舊詩以傷
之撰晉仙傳五篇日月災異圖兩卷文集廿卷見梁書

生北齊給事黃門侍郎待詔文林館平原太守隋東宮
學士諱之推字介著家訓廿篇冤魂志三卷證俗音字
五卷文集卅卷事具本傳黃門兄之儀周御正御史中
大夫麟趾學士隋文輔政不署矯詔索璽又拒之出爲
集州刺史新野公後朝朔望引至御榻曰見危授命臨
大節而不可奪古人所重何以加卿事具周書弟之善
隋葉令子孫見于後黃門生皇泰王記室諱思魯愍楚
遊秦小記室字孔歸君之曾祖也隋司經校書東宮學
士率子弟奉迎義旗于長春宮招瓜州拜儀同博學善

屬文自爲父集序國史稱溫大雅在隋與思魯同事東
宮彥博與愍楚直內史省彥博又與遊秦同典校祕閣
二家兄弟各爲一時人物之選少時學業顏氏爲優其
後職位溫氏爲盛溫氏譜亦載焉生勤禮字敬君之祖
也幼而朗悟識量弘遠工于篆籀尤精詁訓解褐校書
郎與兩兄弟而古相時同時爲弘文崇賢學士弟育德
又于司經校定經史當代榮之太宗嘗令師古讚崇賢
學士以兄弟特命蕭鈞讚之曰依仁服義懷文守一履
道自居下帷終日德彰素卑行成蘭室鶴鑰馳譽龍樓

委質著作郎修國史夔府長史贈虢州刺史生昭甫敬
仲始庶無恤少連務滋辟強昭甫字周卿君之父也幼
而穎悟尤明詒訓工篆籀草隸書與內弟殷仲容齊名
而勁利過之特爲伯父師古所賞重每有註述必令參
定嘗得古鼎廿餘字舉朝莫識盡令讀之高宗侍讀書
王屬贈華州刺史真卿表謝肅宗批答卿之乃祖當爲
碩儒旣高倚相之能遂有臧孫之後不墜其業在卿之
門生我伯父諱元孫泉君伯父聰穎絕倫尤工文翰舉
進士攷功郎劉奇特標榜之由是名動海內累遷太子

舍人立宗監國專掌令畫嘗和遊苑詩批云孔門稱哲
宋室聞賢翰墨立捷莫之與先歷滁沂豪三州刺史贈
祕書監君仁孝友悌少孤育舅殷仲容氏蒙教筆法家
貧無紙筆與兄以黃土掃壁木石畫而習之故特以草
隸擅名天授元年糊名攷校判入高等以親累授衢州
參軍與盈川令楊炯信安尉桓彥範相得甚歡又選授
洛州溫縣永昌二尉每選皆判入高科侍郎蘇味道以
所試示于衆曰選人中乃有如此書判嗟歎久之遂代
兄爲長安尉太子文學以清白五爲察訪使魏奉古等

所薦王邸初開盛選僚屬拜薛王友柱國伯姊御史大夫張知泰妻魯郡夫人亡將葬數家占君不宜臨壙君哭而拒之曰豈有忘手足之痛牽拘忌而忍自絕乎弗從其年秋七月才生明邁疾而歿教義者隱而傷焉與會稽賀知章陳郡殷踐猷吳郡陸象上谷寇河南源光裕博陵崔璩友善事具陸據所撰神道碑累贈祕書少監國子祭酒太子少保真卿表謝肅宗批答云卿之先人德行優著學精百氏藝絕六書頻擢甲科屢升循政曳裾王府名右鄒枚載筆春宮道高徐沈旣而壽

乖華髮器紆青雲業載史臣慶傳令子追存盛美褒贈崇班且旌善于義方俾揚名于有後豪州生春卿杲卿曜卿旭卿茂曾春卿工詞翰倜儻有吏材蘇頲舉茂才偃師丞杲卿文理清峻所居有聲太常居攝常山太守祿山反擒其心手開土門拜衛尉卿兼中丞城陷杲卿叱晉之遂被鈎舌支解而終贈太子太保諡曰忠節真卿表謝肅宗批答云自羯胡猖狂入我河縣所在官吏多受迫脅卿兄以人臣大節獨制橫流或俘其謀主或斬其元惡當以救兵懋絕身陷賊庭旁若無人歷數其

罪手足寄于鋒刃忠義形于顏色古所未有朕甚嘉之
曜卿工詩善草隸十五以文學直崇文館淄州司馬旭
卿善草書眉山令茂曾好屬文詒訓仁厚絕衆韃爲司
馬君生闕疑允南喬卿真長幼輿真卿允臧闕疑仁孝
有更能精詩傳善剖判杭州參軍允南仁孝有清識工
詩人多誦其佳句善草隸與春卿杲卿曜卿同日于銓
庭爲侍郎席建侯所賞達奚珣薦爲左補闕真卿時爲
殿中正至三拱法座蹈舞而衣袂相接者三故允南詩
云誰言百人會兄弟也霑陪歷殿中膳部司封郎中同

業金鄉男喬卿仁和有吏幹富平尉真長清直早世幼
輿方雅有醞藉通班漢左清道兵曹真卿早孤蒙伯兄
允南親自教誨舉進士歷校書制舉醴泉尉陟清白長
安尉三院御史四爲大夫六爲尚書再爲採訪節度充
禮儀使光祿大夫魯郡公允臧敦質孝悌有吏能制舉
延昌令監察允朔方衣資使殿中三爲侍御史中允江
陵少尹荆南行軍蒙州及君孫泉明佐父開土門彭州
司馬威明邛州司馬季明子幹沛詡頗誕及外孫博野
尉沈盈盧逖並爲逆賊所害各蒙贈五品京官濟好屬

文翹華正頤慈明都水使者頗好五言校書頴仁孝方正明經大理司直嶺南營田判官執喪九日不食頡河陽尉頤鳳翔參軍頗工小楷洗馬頡恭仁奉禮郎並早喪逝紘方義主簿泉明觀並沒蠻襲明微明德明未仕通明獲嘉尉將明昌明尉克明崇文明經衛密標榜之頗有隱行文詞華原主簿準溧水尉覲頗工文襄陽尉覲有文行弘文進士顯仁友清白常熟令封金鄉男頡清介勤學侍郎蔣洌賞其判京兆兵曹襲金鄉男岫仁純常熟主簿任城男頡浚儀尉頡清源尉頂幹辦揚府

法曹願長厚清白朝邑尉頡左率倉曹頡祕書正字頡有吏幹歙州錄事參軍曲阜男頡好爲詩富陽尉頡好爲文常州參軍並粗有所立君之諸祖諸父羣從揚庭頡並侍讀強學益期並學士中和至誠敬仲大智溫之激之澹之搢挺援撰溫泳陵並明經康成強學希莊日損隱朝鄰幾知微舒說順勝式宣韶並進士制舉有意中和趨庭希莊至刺史利仁明天文欣期元淑景靈並校書光庭注後漢書嘉賓千里昇庠斥朝怡滔渾允濟搢逸覲不器防有文詞博古少連恭敏惇學行敬仲溫

之以孝聞潤有風義冕
族不獲悉數洪惟累祖之耿光丕業有若子泉弘都之
德行巴陵記室之書翰特進黃門之文章祕監華州之
學識肇自魯國格于聖代紛綸盛美遂舉集于君君能
述遵前人不致失墜其事以忝聿修宜其克饗尊榮爲
清廟不祧之主真卿幸承訓遺叨受國恩旣荷無疆之
休敢揚不朽之烈銘曰

系我宗邾顏公子封鄆魯附庸臣孔聖浴沂風刺青徐
給事中護營柳渡江楓侍兄疾感虵童鄰火斷珥貂重

施七葉傳孝恭武騎都尉司從便尺牘繼魚蟲勸君難
憤而終咨施室游湘東嗟禦正稟移忠衆黃門擅文雄
三韶長事東宮四穆叔史牢籠褒華州詒訓通小祕監
盛名鴻惟少保文翰工莅畿赤五褒崇登望苑友桂叢
三超贈保儲躬流光盛廟貌融永不祧垂無窮

碑側記

建中元年歲次庚申秋七月癸亥朔鐫畢八月己未真
卿蒙恩遷太子少師冬十月壬子男頽封沂水縣男頽
親泰縣男姪男頽原本縣男頽費縣男頽鄒縣男微

文忠集 卷六
軀官階勲爵並至二品子姪八人受封無功而叨竊至此子孫敬之哉

碑額陰記

高祖記室君國初居此宅號州君舍人君侍焉堂今置廟地高祖妣殷夫人居十字街西北壁第一宅祕書監君禮部侍郎君侍焉號州君居後堂華州君于堂中生焉今夫神廟少保君堂充齋堂廳屋充亞獻終獻齋室

政和公主碑

肅宗女代宗母妹潼關失守輟夫柳潭乘以濟孀妹首

云平陽與孃子之軍于司竹襄城行匹庶之禮于宋公

案原本常紕匡復之師于武后皆前代所未有也

贈豪州刺史顏元孫墓誌

省試九河銘高松賦劉奇批曰銘賦音律既麗且新時務五條辭高理瞻惜其貼經通六所以屈從常第葬東京鷓店今作曜字

唐故太尉文貞宋公神道碑側記

初公任監察御史持服于沙河縣屬突厥寇趙定州河朔兇懼邢州刺史黃文軌投艱于公公以父母之邦金

革無避及賊至城下公爲曉陳禍福其徒有素聞公威
名者乃相率而去之開元末安西都護趙含章冒于貨
賄多以金帛賂遺朝廷之士九品以上悉皆有名其後
節度范陽事方發覺有司具以上聞玄宗切責名品將
加黜削公一無所受乃進諫焉玄宗納之遂御花萼樓
一切釋放舉朝皆謝公衣冠儼然獨立不拜翌日入奏
玄宗謂公曰古人以清白貽子孫乃卿一人而已公曰
含章之賄偶不至臣門非不受也玄宗深嘉歎之前碑
闕焉故略述于此公第三子渾之爲中丞也方欲陳乞

御製碑頌未果而中受譴謫旋羯胡作亂事竟不成真
卿時忝監察殿中爲中丞屬吏故公孫儼泣請真卿論
譔之昭義軍節度觀察使尙書左僕射兼御史大夫平
陽郡王薛公曰嵩以文武忠義之資爲國保障上慕公
之德業歎尚無窮次嘉儼之懇誠崇賢莫致酒命屯田
郎中權邢州刺史封演購他山之石曳以百牛僱刻字
之工成乎半歲磨礪旣畢建立斯崇遠近嗟稱古今榮
觀雖大賢爲德樹善庸限于存亡而小子何知附驥託
跡于階序真卿刺湖州之日因成文請儼刻其側而志

之未及鑄雕而第六子衡謫居沙州參佐戎幕河隴失
守介于吐蕃以功累拜工部郎中兼御史河西節度行
軍司馬與節度周鼎保守燉煌僅十餘歲遂有中丞常
侍之拜恩命未達而吐蕃圍城兵盡矢窮爲賊所陷吐
蕃素聞太尉名德曰唐天子我之舅也衡之父舅賢相
也落魄如此豈可留乎遂贈以駝馬送還于朝大歷十
二年十一月以二百騎盡室護歸士君子偉之乃古來
所無也上欲特加超獎且命待之于側門十三年春三
月吏部尚書顏真卿記

祭伯父豪州刺史文

維乾元元年歲次戊戌十月庚子廿一日庚申第十三
姪男銀青光祿大夫使持節饒州諸軍事饒州刺史上
輕車都尉丹陽縣開國侯真卿敢昭告于亡伯故朝議
大夫豪州刺史府君之靈日者羯胡祿山俶擾河洛生
靈塗炭兵甲靡夷二兄杲卿任常山郡太守忠義憤發
首開土門擄斬逆豎挫其兇慝先蓋授衛尉卿兼御史
中丞城孤援絕身陷賊庭聖朝哀榮褒贈太子太保甥
姪八人李明盧逖等被賊害者並贈五品京官嫂及兒

女皆被拘囚睿略昭宣宇宙清廓脫于賊手並得歸京
真卿比在平原遭罹凶逆與果卿同心協德亦著微誠
二聖憫焉授戶部侍郎河北採訪招討使又遷工部憲
部二尚書再兼御史大夫出爲同濟三州刺史聖恩
錫類大門贈華州刺史兄弟兒姪盡蒙國恩允南授膳
部郎中允臧授侍御史威明試太僕丞類授太子洗馬
頂授協律郎類授祕書省校書郎賜緋魚袋泉明顯類
穎等並蒙遷改一門之內生死哀榮真卿時赴饒州至
東京得申拜掃又方遠辭違伏增感咽謹以清酌庶羞

之奠以伯母河南縣君元氏配尚饗

與李太保帖

辭後明日至宅奉送承已當時出

原本缺六字

不獲重捧袂

至今爲恨仲春漸暄不審太保尊體何如真卿粗爾不
審初到如何佇承異績以慰瞻仰因中郎張澈往謹附
狀不宣謹狀二月十四日刑部尚書顏真卿狀上李太
保大夫公閣下張澈昨艱難時首末得力願在麾下有
容足處此之幸甚謹空

奏事官至蒙問增慰馳誠冬閏初寒伏惟太保尊體安

適真卿悲灰何言蕃寇推退爲憲之功忝沐深情俱增
喜躍前後不逢之信遂闕修狀何時入奏未聞悲係無
喻謹還狀不次謹狀閏月十有四日刑部尚書顏真卿
狀上李太保大夫公閣下謹空

真卿粗自奉別渴仰何勝昨緣馬奔遂失馳謁想蒙情
恕也真卿十五日離家大小俱安汎汎病瘡少愈勿憂
爲佳正遠披承益期自愛謹勒參候不次刑部尚書顏
真卿頓首李太保大夫公閣下

千手贊已領訖然尚少第二隔恐在書府希更根尋足

疎拙抵罪聖慈含弘猶佐列藩不遠伊邇省躬荷德恩
貸實深兢慄之誠在物何喻仲春暄甚不審太保尊體
何如所苦當轉勝也真卿緣驛上無馬私乘泡轉幾死
前進不得今日始至藍田卽便取路不獲執別此情如
何珍重珍重謹附狀不次謹狀二月十一日峽州別駕
顏真卿狀上李太保大夫公閣下

與澄師帖

真卿承聞大華嚴會已遂圓成取來日要詣彼隨喜如
何如何幸周副老草不悉真卿頓首和南澄師大德侍

老十日謹空

與御史帖

真卿謹別上書于御史閣下竊聞尊侯平和真卿瞻仰瞻仰前所會廟上諸公未悟惟御史論高百僚振古未有雜事可置況朝廷自有次序不足念乎真卿

守政帖

政可守不可不守吾去歲中言事得罪又不能逆道苟時爲千古罪人也雖貶居遠方終身不齒緒汝等當須會吾之志不可不守也

廣平帖

得示問廣平碑本了來數日故當封呈真卿頓首

修書帖

賊軍未平使僕不憤見故先修書但召諸子弟與語不具真卿

中夏帖

真卿頓首中夏以還暑氣日甚病懶益不喜所爲前欲書石當須稍涼作之也幸不以差緩過之京人來何消息嘉否

文殊帖

近作一文殊師利菩薩碑但欲發揚主上聖意蓋不近
文律耳今奉呈充蒸醬之用可乎真卿白

訊後帖

真卿具前楮訊後所苦何如立斯極位雄廷江上佳山
秀水在公庭戶想日有樂事甚得佳士相延公高才逸
韻自有晉宋間人風坐此肆局不易處上方招致仁
如公之儔豈久在江左乎行聞迅召以快士議真卿頓
首

移蔡帖

貞元元年正月五日真卿自汝移蔡天也天之昭明其
可誣乎有唐之德則不朽耳十九日書

裴將軍詩

大君制六合猛將清九該戰馬若龍虎騰陵何壯哉將
軍臨八荒烜赫耀英材劍舞若游電隨風縈且迴登高
望天山白雲正崔嵬人陣破驕虜威名雄震雷一射百
馬倒再射萬夫開匈奴不敢敵相呼歸去來功成報天
子可以畫麟臺

陶公栗里

張良思報漢龔勝恥事新狙擊苦不就含生悲拖紳嗚
 呼陶淵明奕葉為晉臣自以公相後每懷宗國屯題詩
 庚子歲自謂羲皇人手持山海經頭戴漉酒巾興與孤
 雲遠辨隨還鳥泯

竹山聯句題潘書

竹山招隱處潘子讀書堂真卿萬卷皆成袞千竿不作行
處上陸羽練容餐沆能濯足詠滄浪前殿中侍御守道心自
 樂下帷名益彰前梁縣尉風來似秋興花發勝河陽推官

會稽支策曉雲近援琴春日長評事范陽水田聊學稼

野圃試條桑釋皎然巾折定因雨履穿寧為霜河南陸士修解

衣垂蕙帶拂席坐藜牀河南房夔檐宇馴輕翼簪裾染衆芳

顏草生還近砌藤長稍依牆顏魚樂憐清淺禽間憲頡

顏頽空園種桃李遠墅下牛羊京兆讀易三時罷園基

百事忘洛陽丞趙郡李觀境幽神自王道在器猶藏詹事司旦

晝歎山僧茗宵傳野客觴河東柳淡遙峰對枕席麗藻映緜


緜承隱丞偶得幽棲地無心學鄭鄉述

文忠集

卷十六

吳郡惟

文忠集卷十六



聖